



ISUMAGINNINNERMUT SULIFFEQARNERMULLU PISORTAQARFIK  
Direktoratet for Sociale Anliggender og Arbejdsmarked

Nr. 214

Napparsimasut, Kalaallit Nunaanni Danmarkimilu napparsimmavinni uninngasut, kaasarfimmioqarsinnet pillugit kaajallaasitaq.

Pisortanit ikiorsiissutit pillugit inatsisartut peqqussutaanni nr. 10-mi, 1. november 1982-imeersumi, § 12, imm. 3 aamma § 22 naapertorlugit aalajangersarneqarpoq:

#### Kapitel 1

#### Inuit pineqartut

§ 1. Napparsimasut 18-it sinnerlugit ukiullit, Kalaallit Nunaanni Danmarkimilu napparsimmavinni uninngasut, uninnganermik nalaanni kommunimit angerlarsimaffigisaminnit kaasarfimmioqarsinnaatitaapput, ikiorserneqarnissaq pillugu pisortanit ikiorsiissutit pillugit inatsisartut peqqussutaanni piomasagaataasut napparsimasup naammassimasaraangagit.

§ 2. Napparsimasut 18-it inorlugit ukiullit, Kalaallit Nunaanni Danmarkimilu napparsimmavinni uninngasut, nalinginnaasumik kaasarfimmioqarsinnaatitaanngillat, aningaasartuutit taamaattut pilersuisup akilertussaammagit.

Imm. 2. Napparsimasut 18-it inorlugit ukiullit, pisortanit ikiorsiissutit pillugit inatsisartut peqqussutaanni § 3 naapertorlugu pilersuisussanngorsimasut, 18-it sinnerlugit ukiulittut kaasarfimmioqarsinnaatitaapput.

-----  
SD j.nr. 69-13-00

PI nr. 94.018

Imm. 3. Meeqqat inuusuttullu angajoqqaatut oqartussaa-sumit ingerlaqatigineqartut kaasarfimmioqarsinnaati-taapput, pisortanit ikiorsiissutit pillugit peqqussut naapertorlugu angajoqqaatut oqartussaasoq ikiorserne-qarsinnaatitaappat.

Imm. 4. Meeqqat inuusuttullu Kalaallit Nunaanni ulloq unnuarlu paaqqinnittarfinniitinnegartut uninnganermik nalaanni angerlarsimaffigisaminnit kaasarfimmiusinne-qartassapput.

Imm. 5. Meeqqat inuusuttullu, angajoqqaatut oqartussaa-sumit ingerlaqatigineqanngitsut imaluunniit Kalaallit Nunaanni ulloq unnuarlu paaqqinnittarfimmiitinnegan-gitsut, pilersuisup kommuneqarfiani Isumaginninnermut Ataatsimiititaliaq siumut isumaqatigiissuteqarfigeq-qarlugu aatsaat kaasarfimmiusinneqarsinnaapput.

§ 3. Nykøbing Sjællandimi Amtshospitalimi aamma Næstve-dimi Centralsygehusimi, Vordingborgimi eqgarsartaatsi-mikkut nappaatilinnut immikkoortorta qarfirmi napparsi-masunut uninngasunut qallunaat maleruaqqusaat naaper-torlugit napparsimmavik kaasarfimmiusiisarpoq. Nap-parsimasut taakku kaajallaasitamut matumunnga atan-gillat.

§ 4. Napparsimasut, isumaginninnikkut pensionit utoq-garnillu paaqqinniffiit pillugit Inatsisartut peqqussu-taat nr. 8, 22. oktober 1990-imeersoq kingusinnerusuk-kullu allannguuteqartoq naapertorlugu pensionisiaqartut kaajallaasitamut matumunnga atanngillat.

Imm. 2. Pensionisiallit napparsimmavimmi uninnganermik nalaani tunngaviusumik aningaasartat tamakkerlugit pisinnaatitaavaat, aammattaaq, pisortat ulloq unnuarlu angerlarsimaffiutaanniinnermi pensionit tunniunneqartarneri pillugit Namminersornerullutik Oqartussat nalunaarutaat nr. 45, 21. december 1992-imeersoq, naapertorlugu tunngaviusumik aningaasartat annikillilikkat pisinnaatitaallugit.

## Kapitel 2

### Aningaasartat tunniunneqartarnerilu

§ 5. Napparsimasunut 18-it sinnerlugit ukiulinnut kaasarfimmiut tunniunneqartassapput tunngaviusumik aningaasartat annikillilikkat angeqqataannik angissusilerlugit, taakkulu tunniunneqartarput pensionisialinnut isumaginnikkut ulloq unnuarlu angerlarsimaffinnitinnegartunut. Taakku angissusaat aningaasartat isertitallu tunngavigalugit aaqqiissuteqartarneq pillugu kaajallaasitaq qaqugukkulluunniit atuuttoq naapertorlugu takuneqarsinnaavoq.

Imm. 2. Meeqqanut inuusuttunullu 18-it inorlugit ukiulinnut kaasarfimmiut tunniunneqartassapput, Isumaginninnermi Suliffeqarnermilu Pisortaqarfiup ulloq unnuarlu angerlarsimaffiutaani najugaqartunut tunniunneqartartut angeqqataannik. Aningaasartat takuneqarsinnaapput isumaginnikkut aningaasannorlugit tunniuttakkat pillugit kaajallaasitami allassimatut angissusilerlugit, tak. pisortaqarfiup kaajallaasitaa nr. 181, pisortaqarfiup ulloq unnuarlu angerlarsimaffiutaaniittunut kaasarfimmiuluttakkat atisassarsiutillu tunniunneqartarneri

pillugit kaajallaasitaq.

§ 6. Kaasarfimmiut Kalaallit Nunaanni isumaginninnermut allattoqarfimmi napparsimmavimmilluunniit sapaatip akunnikkaarlugit siumut tunniunneqartassapput, taamatullu Danmarkimiinnermi Hellerupimi Kalaallit Illuannit, napparsimasup kommuneqarfiani isumaginninnermut ataatsimii-titaliap siumut isumaqatigiissuteqarfigereerneragut, taakkulu aningaasartuutit naggataagut akilertussaavaat. Napparsimasunut, kommuneqarfiit agguataarneqarnerisa avataanni najugalinnut, suliamik isumaginninnermut aningaasartuutinullu Isumaginninnermi Suliffeqarnermilu Pisortaqaarfik pisussaavoq, tak. Isumaginnittoqarfiup aqunneqarnera aaqqissuussaanelu pillugit Inatsisartut peqqussutaanni § 6, imm. 3.

Imm. 2. Kaasarfimmiut immikkut nalilersuinikkut arlaleriarluni tunniunneqarsinnaapput, nappaammik katsorsaanelu aningaasat tamakkerlugit tunniunneqartussatut tulluartautinneqanngikkaangata.

§ 7. Immikkut pisoqartillugu, kaasarfimmiussiinissaq tassangaannartumik pisariaqalersillugu, napparsimasullu kommuneqarfiani Isumaginninnermi Ataatsimii-titaliap suli akuersissuteqarsimatinnagu, kaasarfimmiut tunniunneqarsinnaapput.

Imm. 2. Taamaattoqartillugu tunniussinnermi napparsimasoq allakkatigut ilisimatinneqartassaaq, pisortanit ikiorsiissutit pillugit Inatsisartut peqqussutaat nr. 10, kapitel 3 naapertorlugi, Isumaginninnermi Ataatsimii-titaliap ikiorsiissutit, napparsimasup aningaasaqarniar-nikkut inuttullu atukkamigut atugai nalilersoreerlugit,

uterteqqullugit piumasarisinnaagai.

§ 8. Napparsimasut, Danmarkimi unittussangortinneqartut pillugit, nakorsat pisortaata "Napparsimasut Danmarkimi unitsinneqartut pillugit paasissutissaq" napparsimasup kommuneqarfianut nassiuttassavaa. Taamaalereerpat Isumaginninnermi Ataatsimiititaliap, napparsimasup aningaasagarniarnikkut inuuniarnikkullu atugai toqqammavigalugit aalajangertassavaa, napparsimasoq uninnganermi **kaasarfimmioqartinneqassanersoq**.



Imm. 2. Ataatsimiititaliap aalajangiinera sapinngisamik napparsimasoq Danmarkiliartinnagu nalunaarutigineqassaaq. Tamatumunnga peqatigitillugu Hellerupimi Kalaallit Illuanni isumaginninnermi **siunnersorti** "Napparsimasut Danmarkimi unitsinneqartut pillugit paasissutissaq"-mik nassitsinikkut ilimatinneqassaaq.

### Kapitel 3

#### Atuutilersitsineq

§ 9. Kaajallaasitaq una 10. januar 1994 atuutilissaaq. Tamatumunnga peqatigitillugu Isumaginninnermi Pisortagarfiup napparsimasut, Kalaallit Nunaanni Danmarkimilu napparsimmavinni uninngasut kaasarfimmiusinneqartarneri pillugit kaajallaasitaa nr. 201, 11. september 1991-imeersoq atorunnaarsinneqarpoq.

Isumaginninnermi Suliffeqarnermilu Pisortagarfik, ulloq 5. januar 1994.

  
Nukákuluk Kreutzmann /   
Jakob D. Schmidh

